

# **Landesbibliothek Oldenburg**

**Digitalisierung von Drucken**

**Samuelis De Cocceji, Henr. Fil. Sacræ Regiæ Majestatis  
Borussicæ Magni Cancellarii, A Consiliis Sanctioribus  
Status Et Rei Bellicæ, Ordinis Nigræ Aquilæ Equitis Etc.  
Jus Civile Controversum Ubi ...**

Opus Ad Illustrationem Compendii Lauterbachiani ...

**Cocceji, Samuel von**

**Lipsiæ, 1766**

Vorwort

**urn:nbn:de:gbv:45:1-9050**

*Praefatio primae editioni praemissa.*

**P**rodit tandem B. L. opus hoc, decem abhinc annis, adeoque a juvene admodum, inchoatum, jam vero demum absolutum. Moram iniecit muneris publici mutatio, domiciliique adeo Francofurto, ubi opus cœptum est, migrandi necessitas. Cum enim ante quinquennium demandatam Divinae Providentiæ fato, & Clementissimo Sac. Reg. Maj. Bor. jussu atque indultu, provinciam susciperem, cum ea a pristina vitæ consuetudine non minus quam loco, demigrandum mihi fuit. In id hæc mora profuit, quod hinc inde posteriores cogitationes libello adspargere licuerit: quamquam pro temporis penuria tam parce, ut in plerisque accuratiore lima opus esse haut diffitear; quam in posterum adhuc, si DEUS vitam, valetudinem, otium, largiturus est, pro virili addere animus est. Admodum autem doleo, tot mendas erroresque typographicos irreplisse, qui mentem & sensum sæpius distrahunt, nonnunquam etiam implicant: quibus omnibus, ob continuam a loco absentiam, mederi haud licuit. Cæterum id operam maxime dedi, ut quam planissime controversias juris compendio evolverem ac deciderem, & quæ adversari videntur, legumque adeo

111

)( 3

dissensus,





diffensus, & inprimis, quarum conciliationes vulgatæ Jctis accuratioribus merito non probantur, nec sufficere visæ sunt, ex sententia & rationibus Domini Parentis solide componerem ac solverem. Neque tanti mihi fuit Interpp. auctoritas quam legum, qua in re cum doctissimis Viris facio, qui frustra laborari contendunt circa Doctorum opiniones, cum ex jurium fontibus res explanari potest: nisi illæ jam in forum certo probatoque usu receptæ sint, neque adeo jus incertum relinquunt. Quibus rebus id effectum spero, ut hæc tractatio in insigne illud Compendium Lauterbachianum Commentarii loco quoque esse possit. Quod si vero alicubi a viribus destitutus aut opinione deceptus Tibi videar, veniam a mea ætate, & Tua, L. B. humanitate mihi polliceor. Vale. Dabam e Musæo die 1. Junii Anno 1710.



L. B.







LIB. XX. TIT. I.

DE

PIGNORIBUS ET HYPOTHECIS,  
ET QUALITER EA CONTRAHAN-  
TUR, ET DE PACTIS EORUM.

QVAEST. I. Quomodo differant hypotheca & pignus?

RESP.



**H**ypotheca per nudum pactum constituitur, §. 7. *I. de Laut. pag. Act. L. 4. ff. de Pign. & hyp.* Pignus vero proprie loquendo non nisi per traditionem contrahitur, §. 7. *I. de Act. L. 238. §. 1. de Verb. Sign.* Quae differentia ex ipsa vocum etymologia adstruitur; Hypothecare enim est supponere, i. e. obligare, quod fit per nudam conventionem, sed pignus a pugno appellatur, quia res, quae pignori dantur, manu traduntur, *d. l. 238.* Hinc porro differunt, quod *Hypotheca* plerumque fit in re immobili, nam haec tradi proprie de manu in manum nequit; *Pignus* vero in re mobili: *d. §. 7. d. l. 238.* ibi: *Pignus proprie rei mobilis constitui*, (quanquam etiam improprie pignus in re immobili dicatur, ut in *L. 2. §. f. de Relig.*) Alias differentias vide apud *Goth. ad L. 5. §. 1. ff. h. & Dn. Par. in hyp. Inst. tit. Quib. mod. re contr. obl. §. 8.* De differentia actionum vide *Goth. ad rubr. h. t. lit. d.*

OBJ. Quod pignus & hypotheca vocis saltem sono differant. *L. 5. §. 1. de Pignorib.*

Cocc. J. C. P. II.

A

RESP.

